

GAWE NIN PAGCONSAGRA ASIN PAGDUSAY SA INMACULADA CONCEPCION

susog sa original na texto hale sa Katiriponan kan mga Obispo sa Filipinas
Ipinapanongod na pangadyion ini sa gabos na mga Misa sa Solemnidad kan Inmaculada Concepcion ni
Santa Mariang Virgen.

Minadolok kami sa saimong pangataman,
O banal na Inâ kan Díos,
sa pagsayod niamo kaining antifona
na pinapamibi kan Simbahan ni Cristo sa halawig nang panahon,
na ngonian samong pinapamibi giraray sa atubang mo,
samong Inang Daing-digtâ.
Kami na kabtang kan Hawak ni Cristo sa naci6n ngonian,
minapamibi kaining Gawe nin Pagconsagra asin Pagdusay
kun saen samong tinitipon an mga paglaom asin kahaditan
kan mga Filipino, sa samong kasaysayan ngonian.
Inâ kan samong naci6n,
minarokyaw kami sa tataramon na Pueblo Amante de María,
an mga tawo na namomoot ki María.
Nasasabotan mo an samong mga pagsakit asin paglaom.
Ika na nakakamate bilang Inâ sa saimong mga aki,
kan mga pakipaglaban kan karâtan asin karahayan,
kan liwanag asin kadikolman, na nagpupurisaw samo ngonian.
Inâ kan samong banwaan,
akoa an mga inagrangay niamong mga tinutulod kan Espiritu Santo,
na isabi sa kararoman kan puso mo,
kugosa nin may pagkamoot nin sarong Inâ
asin surogon kan Kagurangnan,
an samong banwaan asin dagâ,
na samong itiniwala asin idinudusay saimo ngonian.
Huli ta kami naggad nagmamakulog sa dagânon
asin langitnon na padumanan kan lambang sarô samo
asin kan gabos sa samong banwaan.
Minadolok kami sa saimong pangataman O Mahal na Inâ kan Díos,
hare mo pagsayumahi an samong pag-arang asin pangangaipo.

Sa mga pagsayuma sa kaangotan, pagkulong,
asin pag-iriwal na nagbabaranga
asin nagrurumpag sa samong naci3n huli sa mga kasalan,
agawon mo kami.
Sa mga kasalan tumang sa buhay nin tawo poon sa kapin3nan kaini,
agawon mo kami.
Sa pag-tumak kan dignidad kan mga ak3 nin Di3s, agawon mo kami.
Sa gabos na forma nin injusticia sa samong sociedad, agawon mo kami.
Sa mga paglapas sa mga katugonan nin Di3s, agawon mo kami.
Sa kawaran nin pag-atid-atid kan marhay o maraot, agawon mo kami.
Sa mga kasalan tumang sa Espiritu Santo, agawon mo kami.
(Sa naglalakop na pandemia asin mga kahelangan sa hawak man o sa kalag,
agawon mo kami.)
Hinanyoga, O Ina ni Cristo, O Inang Daing-digt3,
an mga pag-arang na pan3 nin paglaom asin pagsakit
kan lambang sar3 samo asin kan gabos sa samong naci3n.
Tugotan mo na mamidbid giraray sa samong kasaysayan bilang naci3n
an daing-sagkod na kapangyarihan kan Kaligtasan,
an kapangyarihan kan maheherakon na pagkamoot.
Rumpagon lugod kaini
an kapangyarihan kan kasalan asin karatan sa samo,
asin pakamarahayon an samong mga conciencia.
O Maria Ina ni Jesus asin samong Ina,
an samong buhay asin kahamisan asin paglaom. Amen.